

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Uunga siunnersuut: Kalaallit Nunaata nunasiaataanerani ingerlatsinermut pissutsit pillugit qulaajaasoqarnissaanut, tamatumunngalu atatillugu Danmarkip NP nunasiaataajunnaarsitsinermut piumasaqaataanik naammassinnissimanersoq suliassamik allaaserinnittoqarnissaanik Inatsisartunit akuersissutigineqartussatut aalajangiiffigisassaattut siunnersuut.**

(Nunanut Allanut, Inuussutissarsiornermut Niuernermullu Naalackersuisoq)

**Tunngavilersuut:**

Inatsisartut upernaakkut ataatsimiinneranni 2022-imi Inatsisartunit Naalackersuisut Kalaallit nunaata nunasiaataanerani ingerlatsinermut pissutsit pillugit qulaajaasoqarnissaa, tamatumunngalu Danmarkip NP nunasiaataajunnaarsitsinermut piumasaqaataanik naammassinnissimanersoq suliassamik allaaserinninnissamat piumasaqarfingeqarput. Suliassamik allaaserinninnissamat aammalu kikkut qulaajaanissaanut siunnersuutit Inatsisartunut kingusinnerpaamik UKA2022-mi aalajangiiffigisassanngorlugu saqqummiunneqassaaq, qulaajaanissarluk qinigaaffiup qaangiutinnginnerani aallartinneqassaaq.

Suliassap allaaserinerani Kalaallit Nunaata Kunngeqarfimmut ilanngunneqarneranut Kalaallit Nunaata inissisimaffianit isigalugu pissutsit pillugit qulaajaasoqarnissaa anguniarneqassaaq. Siornatigut misissuinerit DIIS-mit oqaluttuarisaanermi qulaajaanertut ingerlanneqarsimasoq ”Afvikling af Grønlands kolonistatus 1945-54”, danskit isiginnittariaasiat tunngavigalugu ingerlanneqarsimavoq.

Kalaallit Nunaata nunasiaataajunnaarsinneqarnerani pissutsit tassungalu atatillugu Kunngeqarfimmut Danmarkimut Tunngaviusumik inatsimmik allanngortitsinermi 1953-imi ilanngunneqarneq pillugu qulaajaasoqarnissaa siunertarineqarpoq. Tunngaviusumik inatsimmik allanngortitsinissap tungaanut Kalaallit Nunaanni innuttaasunik taasisitsisoqarsimanngilaq, taamaattumik suliassap allaaserinerani Tunngaviusumik inatsimmik allannguisoqalernerani Kalaallit Nunaat pillugu qanorlu ingerlasoqarsimanersoq erseqqissumik peqqissaartumillu qulaajarneqassapput. Saniatigullu Kalaallit Nunaat politikeriisalu NP-p ataani nunasiaataajunnaarsinneqarnissaaq pillugu qanoq ilisimatinneqarsimanersut aamma qanoq siunnersorneqarsimanersut kiisalu ullumikkumut kingunissarisinnaasaanik paasitinneqarsimanersut qulaajarneqarnissaat pingaaruteqarluinnarpoq.

Suliamik allaaserinninnermi Tunngaviusumik inatsimmik allannguisoqarnera pillugu Kalaallit Nunaatalu nunasiaataajunnaarnerani ingerlasimaneq pillugu innuttaasut aamma politikikkut oqallinnerit tamatumunnga ilanngullugu Landsrådi Landsrådiusimasullu pillugit Kalaallit Nunaani

Tunngaviusumik inatsimmik allannguisoqarnerani ingerlariaaserineqarsimasoq pillugu qulaajaanissaq qitiutinneqassaaq.

Ajoraluartumik kalaallinik ilisimatusarnikkut suliaqartunik piffissaliussap iluani suliaqarsinnaasunik nassaartoqarsinnaanngilaq. Massakkut oqaluttuarisaanermik qulaajaanermik suliaqarnek piareersaanerlu kiisalu spiralimut tunngatillugu suliaq eqqarsaatigalugu suliap matumani pineqartup taakkua marluk naammassineqarnissaannut utaqqisinneqassasoq innersuussutigineqarpoq.

Taamatut oqaaseqarlunga Naalackersuisut sinnerlugit suliassat allaaserineqarneri Inatsisartunut kajumissuseqartumik suliarineqartussanngorlugu saqqummiuppara.

**Pisortanut aningaasatigut allaffissornikkullu kingunerisassai:**

Qulaajaaneq Aningaasanut inatsimmi konto pingaarnermik pilersitsineq atorlugu aningaasalersorneqassaaq.

Aqutsisumik atorfinitsitsinissamut kiisalu ikiortissat amerlassusaat, allagaatinik misissuinissamut atatillugu angalanerit aamma ikiortissanut aningaasartuutissat ataatsimut ima naleqassanganneqarput: Katillugit: 4,5 mio. DKK qaammatinut 18-nut, 6 mio. DKK qaammatit 24-nut.

**Namminersortunut aningaasaatigut allaffissornikkullu kingunerisassai:**

Soqanngilaq.

**Innuttaasunut aningaasatigut allaffissornikkullu kingunerisassai:**

Soqanngilaq.

**Ilanngussat:**

- Kalaallit Nunaata nunasiaataanerani ingerlatsinermut pissutsit pillugit qulaajaasoqarnissaanut suliakkiissut - missiliuut